

鈴

山

堂

集

金華集卷第二十八目錄

神道碑

明故少保兼太子太保禮部尚書翰林院學士

贈光祿大夫謚文通費公神道碑

明故資德大夫正治上卿太子少保兵部尚書

陳公神道碑

明故正議大夫資治尹兵部左侍郎兼都察院

右副都御史贈工部尚書潘公神道碑

明封資政大夫兵部尚書翁公神道碑

贈通議大夫南京兵部右侍郎顧翁神道碑

明大中大夫光祿寺卿致仕西愚陳公神道碑
明故資政大夫兵部尚書贈太子少保東厯

公神道碑

雲山堂集卷第三十八

神道碑

明故少保兼太子太保禮部尚書翰林院學士
贈光祿大夫謚文通費公神道碑

江右仕族之盛其在廣信若鉛山之費少保兼太子
太保尚書大學士鵞湖公以倫魁至元輔政謚文憲
其從弟鍾石公復以宮端翰學荐陟宗伯加少保兼
太子太保終于位 天子賜以卹贈之典易名文通
後先競爽慶鍾一門嗚呼盛矣而考公之先積德深
厚所由來者遠曾祖諱榮祖諱應麒應麒生五子曰

珣及瑞並發賢科曰珣舉進士其二隱德不仕而曰
璠者文憲之考曰璵者公之考俱贈如子之官時人
擬之燕山五桂云公諱案字子和幼凝重如成人讀
書強記臨文屬對出人意表舉丁卯江西鄉試辛未
會試廷試咸居高等選翰林庶吉士授編修時逆濠
陰蓄異志謀復護衛文憲在位持不可公娶同郡婁
郎中性之女濠妃之妹也故有連濠屢以意屬公公
外遜色詞而實陰折之濠因切齒賂中貴出內批勒
文憲與公皆致仕乃益毒敷于公家門戶幾不保濠
敗今上皇帝入正大統薦者誦言公等守正被禍

詔起文憲及公俱還原職公入侍講筵預修武宗
實錄成陞春坊贊善尋陞南京尚寶卿改春坊庶子
兼侍講掌南京翰林院事陞南京通政改南京國子
祭酒文憲再召未入京北祭酒欽朝議將移公補之
公以嫌辭陞南京禮部右侍郎改南京吏部右侍郎
蓋公六轉居南旣十載餘矣於是召爲兵部左侍郎
上念公舊譴臣兵貳非宜適翰林員缺內閣以公
請改禮部左侍郎兼翰林學士掌院事又命公署國
子監事旣乃拜禮部尚書仍兼學士掌詹事府事甲
辰廷試充常平官是年秋禮部缺尚書遂命公管部

事 太廟成加太子少保丁未加太子太保賜飛魚服數奉召入西內賜直廬其他服采金幣之賜不可勝紀戊申八月加少保蓋是時公受 上殊眷即有爰立之命市是歲一有二月之十三日公忽遘疾以卒論者惜焉 上聞而問曰案得何疾猶以撰文金幣追賜其家公之在翰林也以經術勸諍色溫氣和規益婉切爲同列所稱服爲文章平正雅暢詞采溢發於凡應制之作無不克稱 上意識達政體居南雍嘗陳六事居宗伯以地震陳八事悉見允行與人交和厚易直推賢讓善人樂親之公生成化癸卯二

月距卒享年六十有六元配婁氏繼吳氏俱贈夫人
子男五長懋學以廕授左府都事陞後府經歷調詹
事府主簿次懋升懋謙同壽有壽女三適太學生詹
翔鶯餘幼懋學卜以 年 月 日葬于邑 山之
原而拜泣請墓碑憶在正德丁卯之歲予爲編修公
計偕來京以文憲之意來訪于予公時妙齡秀發德
器粹溫予固深重之其後予掌南部公任翰林居相
連也出入時接軫相得甚懽逮今凡四十年同時交
舊鮮有存者宜懋學之有請於予也然公歷官行事
之美與夫 宸眷寵錫之隆顧又不可勝書書其大

節亦足以槩公平生而傳信後世也已系之銘曰
繫費之先由蜀來遷于信之鈐兮爰家橫林世載德
音發源洪深方倫魁上公位致顯庸碩大以崇兮逆
藩猖狂扈跋鴟張疇扼其吭兮大義獨持罔恤爾私
屢蹈于危兮迺邁昌辰 皇運維新旣詘而信兮經
幄論思成均作師令聞以馳兮賜歷兩都眷卿贊謨
特加三孤兮顯顯德門萃美弟昆莫之與倫兮 皇
眷特殊期秉政樞眉不少須兮有位有年有嗣而賢
世澤之延兮佳丘孔安豐碑桓桓名以不刊

明故正議大夫資治尹兵部左侍郎兼都察院

右副都御史贈工部尚書潘公神道碑

公諱曰字希周世居婺源之桃溪里稱望族從父珍
官少司馬從兄鑑大司空從子潢大司徒暨公駢武
天朝文昌正貳冠珮相映一時仕籍鮮與倫比公
賦資淵篤績學醇貫持行飭於勤愆圖事徹於機宜
初舉進士授戶部主事以能慎著名陞郎中督運真
州時流賊嘯聚運道多梗公悉心督理轉漕無滯擢
守漳郡郡故多海寇聚散出沒洪洋絕嶼莫可驅除
然非土之豪黠陰爲之主彼亦莫得肆公至庶知其
狀取豪黠數人寘之法寇以不來丁內艱服闋復守

邵武時中官鎮守及市舶橫括民錢物公裁之不得逞閩俗訟奸株蔓連帝至數歲或不解公痛爲懲創變其俗歷陞浙江按察副使江西按察使浙江左布政使嚴繩寬布官舉其方法立而惠行陞都察院右副都御史撫治鄖陽以平劇寇功 詔賜金幣改留都理卿復改少宰召入爲少司寇山西慶成府宗藩相訐久持未決公奉 命往鞠得實以聞再勘永和府事人咸稱平改少司馬復燕中丞往督兩廣軍務時安南不庭詔用廷議起大司馬毛公伯溫率師討之毛方在制公適道其里見公語之曰安南恃其險

臣叛服不常久矣若兵興禍結連歲月未可解資餉
不繼奈何公宜終喪辭諸朝可得緩師俟其聞命求
貢因而撫之此萬全策也語不合去至廣因得安南
不貢狀上疏言夷狄之國本無人倫莫登庸之篡黎
氏亦季犛之篡懷氏也今若緩師移檄以問其罪彼
必畏懼修貢俾無失臣禮而止不問其他此帝王治
夷以不治之法也疏入毛公遂勅公不任戎務 詔
公回佐留都部事公曰吾謀旣不用祿可苟乎遂拂
衣歸然安南之事後亦如公議云公家居十餘年不
復至城府獨聞人有急周之惟恐後歲旱徒步率鄉

人禱雨爲粥糜以哺餓者父之家日落而公陶陶然終其身不以爲憂也以嘉靖己酉八月十有二日卒距生成化丙申享年七十有四訃聞 朝廷勅營葬諭祭如例特贈工部尚書加等也大父貴廉父傳賢並以公貴贈都察院右副都御史母戴氏配程氏贈封皆淑人子男四長曰縉錦衣衛經歷次紳次絲郡庠生次綸女三孫男一縉等將以某年月 日葬公于郡城北飛布山之麓具狀來京師請予銘諸墓道考公歷官所至以剪茲平慝著稱至安南之征兢兢焉執止戈之義是非拙於用大其爲 國家計深遠

矣雖以是歸不再出公之心豈復有所不足哉余旣
爲公同年友又嘗同官留都不敢謂不知公者銘其
可辭銘曰

滎陽之潘有鴻厥緒派流新安越茲誕著中臺六曹
秩號穹廡叔姪弟兄翩翩其羽惟公茂樸篤敬自臧
握蘭畫省飛隼雄邦冠攘以遠險健爲良兩郡稱理
其聲洋洋乃陟廉訪乃登翰藩乃擢中丞建牙鄖山
旣撫流集亦定寇姦帝行褒寵峯巒頌長理貳
銓陪都進列入佐飲卿獻議中書以公爲裁卓其章
徹音秉鉞旄往臨粵南六歲不還王皇赫

斯怒我武用張惟公是時人言是將無似我斧無缺
我斯閩南鄖西以武以文以忠以義以廉而斯巽孺保大
定功安民則裕謀臣其後級以師嘯傲溪月詠歌
林靡惠由鄉合行從其後其業不究其名不隳負郡
之山飛布之簪帶其功在斯其澤公乎斯藏千秋
是卜篆辭于碑以告仰瞻

明故資德大大正治上卿太子少保兵部尚書

陳公神道碑

公姓陳氏諱經字伯常其先自閩徙家青州益都故
今爲益都人公之祖諱俊以孝弟力田隱於鄉父諱

慶尚義輕財號海春翁皆以公貴累贈資政大夫戶部尚書公舉正德庚午山東鄉試甲戌登進士第觀吏部政乃奏記冢宰楊公論說時政數千言楊公獎重之選補兵科給事中嘗奉命查盤薊永遼東軍儲先是按事者每以嚴法繩下人用不堪公所至綜覈得宜洞究奸弊而不事苛刻陞右給事中 皇上登極首論新政其一爲端大本以隆大化勸 上法古帝王守祖宗成憲其一請究治先朝遺奸言皆剴切時論避之陞通政司右叅議歷左通政冊封鄭藩充正使陞通政司使尋轉禮部左侍郎仍掌司事四方

所上章奏躬自檢閱不憚煩勞陞奏儀度秩秩上

每屬目器之已而陞戶部尚書總督倉場兼管西苑

農事歲運邊餉仰給太倉公殫力會計釐革宿弊公

私允賴苑田產嘉穀多岐之瑞賜白金彩幣會通政

使缺廷議以公開於其職復推公改禮部尚書仍掌

其事未幾詔改兵部尚書入柄本兵兼提督團營軍

務時值邊警條上軍國要務七事詔皆允行時公歷

二品已六載特加太子少保公感知遇殫盡智慮調

度防邊諸務至廢寢食竟以積勞致疾家卧乃具疏

力辭

上允致仕特賜給驛以去比年廷臣鮮有獲

此典者實異恩也公去父之上意猶念公不置今年總督倉場員缺詔復以戶部尚書起公于家命下公先期以疾卒矣嘉靖庚戌二月四日也距生成化癸卯十二月三日享年六十有八於是其子工部都水主事夢鶴請乞卹典上詔所司諭祭營葬如例初公被徵恙易簪之前日忽令家人具盥櫛正衣冠北向舉手加額曰吾受國厚恩平居未嘗行一不義存一不仁以負朝廷嗚呼可謂得正而斃者已公性誠篤簡伉立朝垂三十年門鮮干謁性嗜吟咏意不求工而泊然自適所著有待旦堂集出塞集近雲樓

稿東渚小稿并奏稿若干卷藏于家配蘇氏有賢行
累封夫人子三人長即夢鶴次夢草以廕任宗人府
經歷次夢璜女三俱適仕族孫男女五人夢鶴等卜
以年月日葬公雲門山之原而詣予請文其
墓碑予與公同朝夕不克辭故序而銘之銘曰

由閩而齊厥系縣居齊積德世有傳慶鍾尚書仁且
賢策名科甲聿騰芳瑣闥獻納聲隆然銀臺奏事近
上前雍容雅度儀罔愆春卿司徒位屢遷擢任司
馬握戎權云胡疾遽賜歸田帝思舊德仍惓惓天
書并徵寵命宣曷不待乎忽殞年雲門有宅東海堧

恩光赫奕燭幽泉銘詩紀德豐碑鐫

明封資政大夫兵部尚書翁公神道碑

嘉靖己酉秋八月七日封資政大夫兵部尚書梅齋翁公卒于家再越月計至京師兵部尚書萬達公嗣子也袒括爲位以哭公卿大夫咸往吊予往吊則泣拜曰萬達不孝縻于官守不獲躬視含斂罪莫可贖惟是神道之文所以不朽我先人者惟公是祈焉予諾之蓋尚書負文武才頃歲經營四方南定交趾北禦強胡勲烈懋著比入柄本兵 天子倚重至形諸宸札謂干城之託不可釋公乃今遭大故以去則

所以表先德以慰其孝思者予曷可以辭哉按公狀
諱玉字文璜梅齋號也先世莆田人有秀峯隱士雄
者始徙揭陽之鮫江子孫家焉雄四傳至可鄉人稱
爲義叟者公之父也自秀峯至義叟代有陰功而義
叟尤嗜書好古顓顓守善然義叟鮮兄弟卒以寡助
阨于讎家公生而閎朗有志聞學爲父辯冤詣吏十
又八年已乃家計窘甚又連值大喪不克卒業猶時
時誦說經義授里中子弟初秀峯隱士之徙鮫江也
曰此地濱海山攬有其勝他日必生碩人而公以已
廢學弗克成祖志爲憾及尚書生有奇質則撫之曰

其在茲兒乎乃自誦說經義以授尚書海鄉居人漁
尚書幼時戲漁公見恚怒曰而不聞考亭沙中畫卦
事而顧以居人之業戲邪坐客有言顯貴人富田宅
者尚書侍側公正色曰丈夫際世運當轟轟有所樹
立豈以是爲哉尚書登進士第服官政公自家貽書
必勉之庶慎副憲廣西時左江有兵事公書以安殺
爲戒故尚書征斷藤輯南大未嘗上首功安南之役
建議撫納卒不煩師平定亂國守其家訓也尚書歷
官又歸俸于公公爲置義田供祀事卹族之孤寡貧
乏者又購地建亭月日集父老讀鄉約其中以化導

鄉人平生足跡罕至郡邑嘗以尚書巡撫陝西一就
養所過有致金爲壽者公從容謝却不爲露陝士夫
聞公來幸一見旣見公容止楚楚無不歎服者會尚
書受命督朔方軍公乃歸鮑江公初封承德再封
中憲每念義叟不及命輒愀然不樂比封通議大夫
兵部右侍郎又進封尚書皆得贈義叟如所封乃始
大喜曰足酬吾願也尚書旣聞喪陳情乞卹典天
子從其請詔賜祭葬如例嗚呼榮矣論者曰公之居
鄉也歲歉爲有司主賑事序給惟允不足益以已貲
鄉人多所全活盜劫其鄰公纓冠往諭曰虐貧不仁

盜愧謝解去即海寇過公里亦相戒勿犯與漢史稱
陳太丘事適相類若公著豈非篤行君子哉公生成
化甲午九月距卒享年七十有六配許夫人有閭行
早卒尚書母也繼楊恭人又繼黃夫人子四長尚書
次萬紀萬程萬達女五咸適名族往年尚書葬許夫
人于鐵場山之陽至是奉公合焉禮也其銘曰
行已而爲君子錫命而至上卿 恩封屢貶卹典具
膺凡今之氓胡不作善於公是徵述行有文觀者其
興乎

贈通議大夫南京兵部右侍郎顧翁神道碑

南京刑部尚書顧公應祥往年以都憲巡撫雲南聞
母夫人之喪不候代奔歸主論罷職久之朝廷召
起再撫雲南進南京兵部右侍郎召爲刑部尚書復
改南部以前三品秩滿追贈祖及父皆爲南京兵部
右侍郎於是例得樹碑墓道公乃自述狀告于嵩曰
不肖跼伏山林一十五載榮進已絕望矣其獲有今
茲者明天子起廢之恩也先君之遺也墓石之文
敢以請嵩與公同年進士誼不可辭謹按翁諱景字
永暉世家蘇郡長洲隨伯父仕湖州娶於烏程楊氏
遂居烏程再徙長興性恬澹不嗜利類所居之齋曰

恬靜以見志精岐黃之業志在濟人不責其報生子
而才雅有植槐之志乃躬自訓迪不遣就傳尚書領
鄉薦翁挈之北上尤督課其業戒勿接人事尚書舉
進士孝廟上賓奉命採史事於南畿翁與俱南暇
則令習律例及爲饒郡推官翁復至任恒以平恕哀
矜爲訓然密處廨舍三載即僚案無知者尚書被徵
以年未三十授錦衣衛經歷翁乃得封如其官既歷
陞山東按察使翁又以例晉服色與子同然翁素性
中約廉介取予毫髮不苟室廬田產如布衣時無增
益者一監司行部至里人有以事干者懷金爲壽翁

竟拒之曰吾訓子以廉乃自黷乎尚書雅重精練固
廊廟器而所以淬礪成就之者由於翁也及自滇南
罷歸翁安之曰蒙譴以親可無歉已尚書侍色養十
餘年翁壽躋耄耄步履食飲強健如少壯家庭之間
蓋訢訢然樂也嘉靖己亥四月八日以疾卒享年九
十有一高祖壽一祖伯通皆隱弗仕考諱昇贈如翁
官娶楊氏初封安人後贈淑人生子四長應禎次即
尚書次應時縣學生次應元國子生以年 月
日癸子 山之原銘曰

惠施不言寓跡在醫訓子而學身自爲師子出與出

子隱與隱弗以利遷安于義命惟是善積於廖有餘
碩大其門爰及尚書如堂斯構如畱斯稷壽越九齡
福履康樂湛恩鴻靡厥在身後既晦用章時乃天道
樹之隧首昭德有文顧渚之陽令懿永聞

明大中大夫光祿寺卿致仕西愚陳公神道碑
陳氏世家餘姚以宦業稱公諱煥字子文居隣學宮
曰吾西家之愚夫也因自號西愚曾祖孟雍贈吏部
文選郎中祖雷封彰德府同知父廷敬薊州判官公
爲湖廣叅政時以太廟恩得贈祖及父如其官祖
母孫氏母于氏皆贈淑人公初以禮經魁浙士旣舉

進士授工部都水主事董漕艘于淮丁內艱服闋補
營繕未幾疏改南京由南京刑部主事員外郎歷禮
部主客儀制郎中陞廣西右叅議雲南提學副使湖
廣右叅政江西按察使布政使入爲光祿寺卿致仕
公天性醇厚居官以仁恕爲心至義所不可不爲苟
同當在淮時武宗南幸巨闢悍將從所過大索賂
莫敢違者公曰禍福命也何以賂爲弗賂亦不及於
禍在廣右分守鄒州猺獠出沒爲患叅將沈希儀領
兵界上欲誅之公謂之曰猺不可盡雖兵之不能止
其患不如諭之義以恩信撫之遂與希儀入其境

諸酋長更爲約不犯則賞之諸酋長大悅聽令擁輿
送出境竟不犯柳州滇南土習異中土公之教切切
惟安貧惟執義以應節爲先率之自躬土由是知方
焉歲己亥 今上駕幸承天所過有司或坐供張不
具得譴湖廣撫臣以奉迎事檄公公條其鉅細罔不
飭備復奉檄督修 顯陵公殫力程工務極壯固稱
上意而諸監視及承事者因緣乾沒皆不得肆告
成 詔進一階有金幣之賜一日渡漢江大風雨舟
幾覆衆擁公泣公乃命舟人拯溺者活數十人竟以
無虞任江西獨四年安和寬簡官民便之吉水豪某

者依山阻水恃力與有司抗乃建至庭下察之憫人也貸其死咎之卒改行爲良民所行每若是光祿典內府諸羞饌中貴率溢額以需公披籍應之中貴頗不便因構語中傷之公於是浩然有歸志會歲考察諸大臣例得自陳公稱老乞歸甚懇上乃可其奏公歸則開園于舊第之西南壘山鑿池蒔花木構亭其中中有八景皆以愚名自爲文記之歲時約里中故舊賓客讌飲相娛樂飲輒至醉醉輒稱曰余醉愚醉也然則公誠自託於愚者耶其爲士者曰西愚公豈真愚耶嘉靖庚戌十二月三日卒享年七十有三

配胡氏封淑人子五人長陞早世次墀次陞皆舉進士墀延平知府陞翰林編修次覲國子生次陞女一人適建寧知府王正思孫男四人銖鋌鈇鈇曾孫男三人清瀛澤公之所履兩逢大狩一治顯陵他人或惴惴慮不免而公皆因之以有譽名柳夷之畫宣恩以樹威漢江之危急人而忘已言豪之獄捐文以得情蓋仁厚成性而智足以行之閱材遠識固去倫類什伯至其胤嗣昌繁科第踵接則所以章及人之報紆用世之猷者有在矣公葬有日陞乃馳書京師以少宗伯孫君狀請余述文樹之墓道予素辱公

知愛陞又爲諸生肄業館下誼弗可以辭銘曰

稽山盤延東海之浹介爲姚江英賢巍巍有偉陳公
鍾其粹美如玉之溫若絲而理著聲省署分秩蕃宣
惠流菁峒信解戈鋌乃登學憲振鐸南滇教隆風節
士化陶埏荆爲潛邸園陵之邑車駕赫臨百需
孔亟公處裕如悉辦以集孝典隆成帝恩駢及江
右之政號稱優優郡邑承訓兵民仰流入長光祿不
副其猷浩然止足得告而休惟公所秉明達敦良在
繁益暨任重彌光宦轍所至惠愛洋洋蠻貊可行顛
沛不忘公之施用不惑者存公之福澤裕其後昆繩

絕紳烏郁蘭孫述此銘詩刻在墓門

明故資政大夫兵部尚書贈太子少保東厓翁

公神道碑銘

夫有強毅剛達之士出則經營四方隨試而效歸則悠然自適於丘壑之間若無與世故者此其志有不羣所養有不可涯淡者去至乃履蹈險艱弗克大展其用用矣奄忽而逝曾不少待嗟夫天之生才何其難而奪之何其易耶東厓翁公之歿也其弟國子生萬程使來告哀而以神道之文為請公負文武才于城之寄維公是賴殫天不勑遺可不為天下慟耶予

託交于公號知已文照字可辭公諱萬達字仁夫潮
州海陽人也翁之世系予嘗銘其先尚書梅齋公之
墓已詳蓋自梅齋而上世有隱德公生而舉止不凡
梅齋異之曰是將大吾門乎弱冠文名籍甚嘉靖乙
酉舉鄉薦明年登進士授戶部主事陞員外郎郎中
以才陞梧州知府措民夷雜居號難治蒞郡四年威
惠並著安南久不貢詔出師問罪即擢公廣西按察
副使經理其事督兵於南寧公密募敢死士入莫登
庸地盡得其購藥淬刃置毒上流截筒陷馬及賂關
吏俾傳襲廣東以撓我諸狀乃下令敢有與賊通者

殲于市能擒賊獻者賞百金龍州馮祥州土舍趙楷
韋應李寰為賊腹心日伺我事竊告之公白督府曰
三兇鼎立二州之間威不可宿勢不可迫應懷懦寡
慮須旦夕擒斷其中堅則楷寰可次第獲也督府即
以屬公三賊者果就縛論死二州以定左江斷藤峽
徑蠻據險梗化非一日矣適曾弟曰公丁者謀衆扇
亂公計擒之乘勢攻諸巢賊皆破遁斬獲無數撫其
餘黨向順者三千人藤峽悉平四峒介思明忠州之
間所隸不常府與州互爭莫能歸一公建議以其地
割屬南寧特設撫民通判一員治之築城署分保甲

峒民懼躍稱更生土人黃賢相素驚稱兵將衆至
是亦還所侵地登庸聞內寇輯寧乃始大恐請納款
如期會陞公浙江叅政督府上疏留公改仍廣西叅
政是冬登庸詣關乞降詔罷安南為都統使司宥
登庸以不死授使職治其地是役也兵不血刃事以
輯寧公之功居最擢四川按察使陝西布政使尋擢
右副都御史巡撫陝西未幾擢兵部侍郎兼都御史
總督宣大大同宗室有潛謀勾虜為患者公廩以聞
明正其罪既而議築邊牆東自老營堡西距滑石澗
幾二百里增墩臺深壕鑿工鉅而費省邊民賴焉數

歲虜不敢睨即少鈔掠無能深入
曹家庄之捷尤
偉謀報虜寇宣府時大同帥周尚
八方幸宣府之無
備而已獲安惡謀者之泄也杖而繫之獄公知其情
馳疏告急請即以尚文責往禦賊 朝廷從之勅尚
文兼程赴敵公廼躬擐甲胄督兵為援虜不虞其猝
至也大驚宵遁公又督尚文追擊出境捷聞 上嘉
悅陞兵部尚書兼右副都御史尋召柄本兵在鎮以
築邊獲奸奏捷錫金幣者六廕子者二公惟一子辭
廕不允乃請以廕其弟萬程焉在本兵數月奔梅齋
公之喪明年虜犯畿甸廷議咸請以兵革奪情起公

上特召為兵部尚書驛使數輩趣之公聞命哭辭
几筵即日就道道遠不能即至上屢問曰翁某至
未耶既至上章待罪命奪秩候用數日命以兵部右
侍郎兼都御史經畧紫荆諸關公墨綬治軍事心苦
形瘁足疽忽作疏乞歸終制而疏中字訛誤上怒
斥為民先是逆鸞奉命廣州其麾下卒擾民公嘗笞
之又得其索登庸之賂鸞故切齒恨公數中傷之公
去踰年鸞以逆戮公之忠誠益著上亦思大用公
會本兵尚書員缺遂起公于家無何命下而公不逮
矣公謀慮精審沉毅善斷據牘書奏論議泉湧蠶發

不可制故能逆變。權動有成。算古稱王佐才。近之矣。襟度坦夷。與門人故交談經論文。覺壘不倦。夙好山水。興至窮幽。探勝泊然忘歸。其免歸也。慕武夷鯉湖之勝。携僕遠遊。旬日抵清流。疾作。謂僕曰。亟返。吾將逝矣。舟次上杭。而卒。疾方劇。仰天嘆曰。已矣。乎受國厚恩。無以報也。問家事。不答。卒之二日。方抵家。而殮。越四日。而命使臨門。遠近聞者。莫不咨嗟涕洟。感上之不忘公。而惜公之不及見也。所著有稽憲集。平交紀畧。總督奏議若干卷。藏于家。公生弘治戊午。距卒嘉靖壬子。享年五十有五。配張氏。先卒。繼

孫氏贈封皆夫人子二長思仁早卒次思佐甫八齡
產國子生女二許聘都御史鄒守愚之子迪叅議劉
子興之子宇泰公既卒家人請乞卹典上詔所司
諭祭營塋如例卜以 年 月 日葬公于
山之原公所自管者銘曰

海山奧區鮪江之涘炳靈萃英生此國士材閎器碩
允武允文服勤中外以建茂勲督師于南南土底定
專閫朔方恒以謀勝迺膺宸眷兵本是司國有柱
石士有蔡著讒忌屢嬰忠誠彌勵進不辭難退則勇
逝帝曰念哉起公于冢一抔詰人而享不遐千里

參橫曰探名蹟注并遂公則何適公和不死公志
未酬或在天壤與元氣游或驅風霆揮斥八極以殛
殛以毀王室勒文樹石永昭德聲我詞弗作以告
于冥

鈴山堂集卷之二十八終

鈴山堂集卷第三

目錄

墓誌銘

明故衍聖孔公墓誌銘

明故安平侯方公墓誌銘

明故資政大夫禮部尚書兼翰林院學士贈太

子太保謚文恪溫公墓誌銘

明故光祿大夫柱國太子太保刑部尚書張公

墓誌銘

明故資政大夫刑部尚書贈太子少保謚襄簡

高公墓誌銘

明故通議大夫兵部左侍郎贈都察院右都御

史潘公墓誌銘

明故通議大夫都察院右副都御史吳公墓誌

銘

鈴山堂集卷第三十九

墓誌銘

明故衍聖公墓誌銘

先聖孔子修明帝王之道以詔後世繇漢以來世主
既崇祀之又爵其裔孫一人使主祀事曰褒成奉聖
文宣代殊其稱至宋始封衍聖公然猶兼領他職或
止署爲郎其秩視上公品高位重專宅闕里以恭奉
廟祀惟我朝之制爲然其所以崇寵之者視前代爲
至弘治末衍聖公弘緒以疾告於是成庵公以世嫡
承襲其爵公諱聞韶字知德宣聖第六十二代孫也

年弱冠召至闕下美風儀孝宗皇帝面賜玉帶麒麟服人咸榮之時少傅西涯李公名重海內登公于門歸以其子一時傾動朝著有冰玉之稱焉正德改元視學召公爲分奠官命坐彛倫堂聽講賜茶仍賜宴禮部賜衣帶寶鏤丁卯入賀賜御製迴文詩庚午復入賀屬疾命醫診視頒賜上尊珍饌夫人以歸寧卒于京邸詔遣官諭祭驛歸其喪賻給甚厚皇上兩視學皆驛召公觀禮而常賜外加賜金織麒麟緋服一襲及冠帶各一以示優異公每值萬壽聖節則奉表入賀比歲患疾艱於拜起然尤力勉以來甲

辰復來 上溫旨慰之免其朝賀踰年疾甚卒于家

丙午二月十一日也計聞詔賜祭葬如例公生成化
壬寅八月十八日享年六十有五元配李即西涯公
之女繼配衛宣城伯璋之女封皆夫人男子二人長
曰貞幹今襲封衍聖公次曰貞寧女一人許聘尚書
李公廷相子孝元孫男一孫女二公性質敦重不苟
言咲識達世故施于有政厥績爲多孔氏祭田蠲租
尼山洙泗三書院各設學錄一員典教事鄒縣故有
子思子祠特授公弟聞禮爲五經博士使主祀事皆
從公之請也闕里故有志殘缺公嘗請于西涯公輯

之以成鉅典劉賊之變䟽請城關里而遷曲阜縣創
義倉以歲給三氏子孫之貧者其所建立章章如是
事繼母袁夫人及生母江以孝稱居喪準禮制而
友愛其五弟尤至弟皆先卒撫其孤如子敬禮士大
夫來謁關里者皆款接盡懽焉將以明年 月 日
癸孔林家塋之次貞幹等以狀來屬銘銘曰

維孔有家寔肇洙泗聖有遺澤施于世世宗德象賢
纓組攸嗣爵之上公始我 明制洵美成公宗聖主
祀溫溫其恭淑慎爾止歲朝京師罔有怠禮享有牲
醪居有賜第都人來觀宣聖之裔曷不復來湑云其

近皇有異恩軫卹彌至焯德贊休刻銘以誌

明故安平侯方公墓誌銘

嘉靖丙午二月四日安平侯方公以疾卒訃聞上
為悼惜遣中官及祠部郎中一員泣其喪命工部營
葬事賜諭祭凡十有八壇既又賜謚榮靖蓋公在朝
廷為椒房之親恩禮優重宜也公諱銳字廷器世為
應天江寧人祖諱臯占籍錦衣衛因家京師考諱永
妣陳氏公體貌豐厚為人敦重質實其始浮湛里中
有相者言當大貴公曰吾得為太平閒民足矣皇
帝嗣位九年詔禮部遴選宮嬪於是今皇后以公

長女入選初冊立為德嬪公以恩授錦衣衛鎮撫尋
陞正千戶 后既正位中官公陞都指揮使從
車駕南狩遣拜後軍都督府左都督既封安平伯復
進封安平侯實食祿一千七百三十石追贈曾祖祖
考皆如其爵妣皆夫人公起徒步至通侯寵異冠一
時在恒情鮮不汰侈踰溢公獨持以謙撫居常自韜
戢 上嘗賜之第公取足居息不欲大為營造服用
自常賜外未嘗過求非分由是廷中推賢元配夫人
孫氏先卒繼夫人侯氏嗣子一人曰承裕今甫七歲
適張弘縉冠帶纓旗次邵瀾錦衣千戶皆孫出又

次尚幼許聘靖遠伯子王學禮側室王出公生於成
化丁未十一月十五日得年六十卜以是年三月二
十七日甲申癸公於朝陽關之車營而癸有銘以請
於予維方之先世有隱德其所由來者遠乃發祥委
祉篤生聖喆以母天下公貴處戚畹而能執禮守
分不褻不矜尤士大夫之所難法應銘銘曰

於惟化基厥由后德內教肅成用儀四國塗山啓祚
夏業以昌太姒初生在洽之陽倬彼安平籍世餘慶
毓德軒龍坤儀啓正徹侯賜爵五等之崇錫之土田
車服是庸公則祗祗似不能言履寵以約處盛彌謙

胡不大孝奄忽云逝 后聞震恫屢使來視 皇有
詔命恩卹備至儀曹司空襄其後事嗟哉榮壽弗祿
考終刻文茲石今問無窮

明故資政大夫禮部尚書兼翰林院學士贈太
子太保謚文恪溫公墓誌銘

嘉靖癸卯七月二十五日禮部尚書兼翰林院學士
溫公卒于蜀之里第訃聞 上命有司給祭葬如例
贈太子太保賜謚文恪溫公諱仁和民懷字也高祖
子成仕爲蜀遂寧知州因家成都華陽曾祖諱良蜀
府奉祠副祖諱彥中蜀府良醫有四子長曰琮官至

布政使季曰璽河南叅議而公叅議之子也舉進士
改翰林庶吉士授編修以忤逆瑾意出補戶部主事
瑾敗復爲編修進侍讀充經筵講官丁繼母張夫人
憂服除進春坊左諭德兼侍讀上選用公等六人
日侍講幄賜金綺束帶陞侍讀學士修武宗實錄
充副總裁擢吏部右侍郎兼學士仍侍日講修獻
皇帝實錄復充副總裁公念叅議公年高奏乞馳封
以已之官從之未考滿得封典盖異數也上將大
用公有尼之者乃以專管誥勅入東閣而公乞歸養
甚力命馳驛以還加賜白金文綺公綵侍逾二年封

侍郎公卒朝廷賜祭葵服滿後數年始就徵如前官
命史館經理御文又命攝吏部事拜工部尚書仍兼
學士改禮部尚書堂詹事府事加太子少保車駕
南巡奉勅留守京師駕還皇太子遣公奉迎於
涿州上賜白金綵幣勞焉已而特命公充監禮使
扈視章聖皇太后梓宮南祔顯陵勤勤備至事
畢賚錫有加當是時上眷注甚隆而公以病疏再
上乞歸甚懇上惻然許之賜寶鏹給驛以行命有
司俟病痊奏用恩禮甚厚近年所未有也公舉止端
重有大臣體沉深善謀數抗論國事大同之卒擁兵

阻城公謂當以慰問代藩遣官因視卒罪狀可撫則撫之便又寧夏撫臣以慶王不軌事聞請徙之高牆因與兵案誅從反者而公言事未彰白未可即禁錮請勅戒諭王不悛而後治之以明朝廷議親之仁旣而遣官簿問王果得赦而夏人免于兵家圖像以祀曰活夏城者溫公也公博學強記爲文辭號稱爾雅嘗同考會試者再主考應天順天鄉試各一辛丑主考會試其所拔錄多名士兩充廷試讀卷官公所歷任侍從清選官至六卿然弗及大究厥施論者惜焉生成化乙未十二月十有八日享年六十有九元配

何氏繼丘氏贈封皆夫人子三人顏順俱舉于鄉顏
廕祖國學生女七壻王麒彭鶴年徐昱張守身何察
其二在室孫男一孫女三公卒時顏試禮部聞訃哀
泣以銘請于予予昔入院踵公後今四十年來同遊
之彥颺逝雲散不可復得矣予也薄陋何能為後哉
而誼弗可辭為之銘曰

倬彼岷峨雄蜀方炳靈萃秀發厥祥名材異產詎可
當挺生括人國之望為梁為柱為圭璋茂齡載筆白
玉堂手製雲錦分天章日侍帷幄陳堯湯三纂帝紀
金匱藏籙俊多收麟與鳳更撫遠畧弭兌疆鉞曹

空荐歷賜秩宗三禮升文昌翩然謝病歸故鄉文星
夜隕天西央厥施未竟衆悼傷卹恩謚典輝晏章吁
嗟百世有耿光勒銘玄室昭弗亡

明故光祿大夫柱國太子太保刑部尚書張公

墓誌銘

公諱子麟字元瑞其先代州人永樂中以閭右徙實
真定遂占籍藁城曾祖玘祖得才父欽皆隱弗仕以
公貴贈封皆光祿大夫柱國太子太保刑部尚書母
劉氏生公穎敏異常年十九舉于鄉登成化甲辰進
士授南京大理評事陞寺副寺正凡居理寺十年擢

守汝寧歷山西叅政河南布政使都察院右副都御史巡撫湖廣入爲刑部侍郎晉尚書加太子太保公歷事四聖更踐中外四十餘年其在理寺剛直精慎刑讞駁正無所依避以平允稱汝寧之政訟平賦均膏濡弘治報政則拜孝皇燕服之賜解任則遺汝民銘頌之恩時以爲天下循良之首山右澤潞等郡歲饑公志切焚溺濟以便宜亟於傾廩緩於稽券所活民以數萬計厥後撫荆南值凶歲復以行諸山右之法賑之所活民又四十餘萬急邊圉謹儲備戒戎律飭官常撫居勦叛舉良刺頑罔不秩然各究其

實爲友伯河南鎮守巨璫恣橫不法公獨執其黨屬
罪之而地方以寧及爲刑部屢更諸大獄若逆藩鑑
濠及逆瑾寧彬輩相繼不軌公優然決斷悉抵于法
論者謂非守有定植才無卻流不能及也今上即位
特加眷遇屢荷白金彩幣寶鈔羊酒玉帶蟒服之賜
至於賜給人口及歸省給鈔爲路費咸爲殊典公貴
時二親在堂生膺一品之封朝廷命有司具牲米存
問恩榮特異公以親老乞休皆溫旨勉留最後得請
歸養天語諄切促其復來而公浩然雅志優游林下
者二十餘年享年八十又八以終計閭賜諭祭者九

遣官營葬可謂禮備至也已公生天順八年八月三日卒嘉靖二十五年六月五日元配谷氏封一品夫人子男二長九鼎以廕授前府都事次九容早卒女三長早卒次適某某孫男二將以某年月日葬公于邑西先塋之次九鼎來請銘爲之銘曰

法以威克當仁則廢澤以愛周於義則蹟有偉張公柔惠且毅明執邦刑窵窵無滯亦有惠綏渙其下濟顯秩穹階繇所自致皇眷優隆錫寵蕃異才孰畀之受夫之器福孰綏之展也純備刻石幽堂告于無既

監軍實政大夫刑部尚書贈太子少保

高公墓誌銘

公自刑部執政歸優游林下者十有八載嘉靖丙午三月二十二日卒距其生天順辛巳正月四日壽八十有六其子知府廷紳卜某年月日葬于祖塋盤谷之左以予素知於公迺來屬銘公姓高氏諱友璣字肅政温州樂清人也出宋太尉瓊之後南渡時高氏以宣仁戚里曰世則者官至節度使節度之孫曰新七者愛樂清盤谷之勝家焉子孫蕃衍人姓其地曰高畧入國朝諱官者爲華亭今官生諸譜生河娶

于陳生公生有至性母病朝夕湯藥不解帶以孝聞既舉進士例得歸省及奉銓檄赴選途感異夢覺而驚遂復歸而母疾危克送終盡禮人以爲孝感服除授南京刑部主事歷員外郎郎中治獄詳明諸司章奏悉資詳定擢守九江治蹟爲十三郡最三載陞廣西叅政管田州府事田故夷方險也土官岑猛者坐與族類構爭削秩詔以漢官撫之前官懼而逸席西撫按疏上謂非得優幹局識達樞變之人不可適公考績至京遂有是命衆謂夷性叵測爲公危之公曰臣子委身之日也單車入田境宣朝廷德威示以

順逆利害始猛見公猶擁兵入衛久之乃遂款効束
身聽命公立學訓士置堡五聯其衆歸被虜男女以
數百計田人帖服竟不煩兵而寇寢事平活千萬人
之命事聞朝廷宥猛且復其官因徙公內地顧忤權
倖意仍以知府調衛輝居衛踰年陞江西左叅政轉
山西按察使陝西右布政使擢右副都御史巡撫大
同公洞達政體剴裁如流所至赫赫有聲然數裁抑
貴倖以事降二級致仕既復起爲兵備郴桂副使外
艱未赴又用薦起爲山東叅政轉福建布政 召爲
光祿寺卿陞南京刑部右侍郎轉右都御史總督漕

運江淮故塩徒出沒爲患公請兵討誅盡其人而招徠其衆革驛傳費宿弊一清事具江淮保障錄中在漕三年進南京工部尚書改南京刑部已而召入北曹居三月餘謝歸公平居色溫禮恭至臨事則疑疑操執不渝雖屢蹶而興無所依違姸姸故資父而後大用旣用而不獲父學士大夫想聞其名累形薦牘有冥鴻千仞之思焉祖及父以公貴皆贈資政大夫南京工部尚書俱皆贈夫人公旣致仕以俸入京又書院買贍田教萬民十姓及四

進考業講學所居教廬布衣

䟽食終其身蓋孝恭誠樸出於天性然也配黃氏累
贈夫人先卒子男四長廷紳舉鄉薦歷官激江知府
廷實當塗縣主簿廷舉德府良醫廷愉養利州知州
女二適義官方不國子生季如山孫男十六人曾孫
男十三人於是廷紳以公計聞詔賜祭葬贈太子少
保謚襄簡銘曰

高起太尉爲宋宗臣碩大以蕃德懋宣仁節使南邁
開家海濱濬指發祥篤生偉人秉心淵塞植節嶙峋
鉅才洪度展也經綸單車入田蠻獠率賓保障江淮
歷試益振八座累遷一德貞純歸老眉壽儼古大椿

傳野騎生魯邦泣麟公神歸天形返茲甯盤谷迤邐
滄海齋淪義義高墳松桂聿新紀德弗緩斷此堅珉
明故通議大夫兵部左侍郎贈都察院右都御

史潘公墓誌銘

嘉靖丁酉朝廷以安南國久絕朝貢議發兵往問其
罪是時吉囊方窺代郡烽堠屢警兵部侍郎潘公上
言今天下之患北圉爲急南夷越在萬里自相篡奪
以爲故常遣使諭德意不服然後用兵未晚也今舍
門庭之寇罷民而事遠畧力分弛玩非計之得也奏
聞上謂安南不庭義當征討而公職佐本兵不宜

沮撓以惑人心詔奪官歸其後以兵書毛公伯溫視
師南中宣布德意而安南尋以納款一如公言公罷
逾月言官交章乞還公久之得致仕撫按薦章亦累
十數上吏部列名起公俱未報而公臥家踰十年竟
以不祿訃聞上乃詔有司給之祭葬仍贈右都御
史公之爲忠皇上固知之矣公諱珍字玉卿姓潘
氏世居婺源縣桃溪里公嘗建祠祀其先祖予爲記
其始遷仕系詳在記中祖諱思文考諱坦俱贈兵部
侍郎妣俱贈淑人公登弘治壬戌進士知諸暨縣諸
暨號難治公治有狀民父母戴之旣去爲立祠樹碑

紀其績陞大理評事歷山東按察僉事劉賊之攻山東也蓐食秣馬犯于闐里公憮然曰以先師之宮而吾有司無救于盜賊之患乎乃奏徙曲阜縣並闕里城之陞本司副使兵備遼東丁外艱改福建尋陞山東按察使咸著茂等之績而歷山東最久東人至今思之不忘陞湖廣布政使時方營顯陵供費鉅萬皆取給湖藩公議節縮糜濫并請九江潯墅二關鈔銀佐之無加楚賦詔從其議湖民若輸宗室祿米當歲會則近省郡縣民緣吏爲奸乃坐其輸於遠郡遠郡民苦之祿不時給上下俱困公爲均其道里贏縮

之著諸令甲自是公私皆稱便陞副都御史巡撫遼東遼故有邊墻袤數百里久圯不治虜得窺伺爲患前巡撫治之功久不就公議請日役卒凡若干萬人分六營防守親督巡其間五旬而訖工詔勞公金幣內艱去位起南京副都御史提督操江尋陞南京兵部右侍郎改兵部天下方以大用屬公未幾而安南議興遂以去位焉公恂恂樂易而中實狷介遇事毅然爲之不爲威惕利回所著有愚衷錄省愆錄兩峰存稿年紀諸書凡若干卷歲于家皆本諸事情非空文無實者也公生成化丁酉五月二十六日卒嘉靖

戊申七月五日享年七十有二配張氏累封淑人先
公三歲卒子男二長鏊貢七次繼膾補國子生女一
適戴緋孫男一榮孫女二鏊等以其年月日癸公于
邑烏塘之原乃奉給事中游君震得狀走京師詣于
乞銘泣曰先人有遺命敢以爲請公昔爲兵侍南都
予寔爲南吏書而公族子旦爲吏侍日往來論議相
好知公爲深頃嘗請乞用公不獲如願而今不可作
矣尚得列其行事于石俾有聞于後世亦庶以慰公
之靈銘曰

孰爲仁里考亭桑梓有鬱山

英賢聿起孰爲德門

遠辰叩閣上書不用寒寒者君賢澤彌隆祀享百世
啓其聞孫爰躋膺仕侃侃薰云臣奮批逆鱗師征勿亟
交夷來賓位詘道伸身退臣用薦書曰騰士望攸重
天不憖遺而遽奪之命也臣謂何弗究厥施堂封在斯
吊者來會帝有卹恩公其永慰

明故通議大夫都察院右副都御史吳公墓誌

銘

吳公諱瀚字受夫河南洛陽人也其先吳人國初曰
阿演翁者以從戎隸河南衛遂家于洛焉曾祖諱成
祖諱興父諱全俱以行誼聞于鄉母李氏於成化丙

午六月廿八日生公後以公貴父祖俱贈中大夫陝西行太僕寺卿母祖母俱贈淑人公少敏慧日誦數千餘言博覽群籍發爲文辭迥出流輩與弟瀛同舉鄉薦又同第進士公初授南京山西道監察御史性素介直自負慨然有埋輪之志會中官廖鵬播虐河陝事發逮詔獄群黨猶曲護之冀得末減乃抗疏列鵬罪狀竟寘重典時論快之陞江西按察僉事公所蒞湖西訟訴繁委乃省文例詳聽斷發奸擿伏人稱神明嘗平反疑獄其人感泣繪公像祠之陞湖廣布政叅議守辰沅諸郡歲旱率吏民徒步雪禱雨隨至

沾足郡人誦頌其事時流殍載路請于撫臺發廩賑
貸議欲行勘公曰勘則遲久亡者過半矣竟發之撫
臺益重公疏薦其賢陞陝西副使整飭延安兵備有
妖賊聯黨爲幻出沒無常悉計擒之陞陝西行太僕
寺卿復陞山西按察使公法比精練爲衆推服凡大
獄訊決罔留罔無淹禁陞右布政使轉左使是歲虜
酋擁衆寇太原城素無備公乃撙衆分部固守而躬
督糧出犒師已而援兵四集士獲宿飽衆賴以安又
議築外城以固保障晉人至今德之陞應天府尹尋
陞右副都御史奉勅巡撫畿甸兼督三關值邊疆多

壘遣戍靡常乃廣積貯修械器簡士馬嚴校閱匝月而戰守之具各備又以馬水口李家嶺爲宣大要衝乃剉壁築垣增屯置戍備戒孔嚴後虜果至浮圖峪不得入議者以二堡經畧爲有功焉無何以事忤時議詔回籍聽用於是公乃還洛屏迹山墅人罕見其面撫按薦公經濟可以匡時清忠可以勵俗宜亟起用以慰人望而公竟以疾不起矣嘉靖庚戌八月八日其卒之日也享年六十有五公簡重沉密遇事能斷雖糾紛盤錯從容暇裕不動聲色以吏能稱于時性樂易不自岸異人尤樂從之事親孝處諸弟友愛

弟泚瀛早世育其遺孤躬爲嫁娶與季弟不異爨俸
羨悉付之不問出入雖通顯澹素如布衣時喜聲律
晚益工集古句千餘首彙帙藏于家配王氏累封淑
人生子二長三樂領省解第進士改翰林庶吉士歷
官駕部郎中次三聘舉人孫男三長本善次本德次
某孫女五人三樂旣聞計將歸匍匐請予誌諸墓中
之石蓋昔在中秘嘗考其業於誼不得辭又其姻今
大司馬鳳泉王公所述狀事覈實可徵故序次其事
而系之以銘亦以慰其子之情也公癸以卒之明年

月

日墓在某鄉某山之原銘曰

吳氏居洛寔聲其祀再世弗顯自公始仕以學植身
施于吏治更歷諸藩盤錯屢試惟其休聲所至有稱
孰謂不顯位陟臺水厥用未竟後迺率興慶流奕奕
有永其承

鈴山堂集卷第四十目錄

墓誌銘

封中憲大夫都察院右僉都御史楊翁墓誌銘

封翰林院編修文林郎李君墓誌銘

封翰林院檢討徵仕郎前縣令裴君墓誌銘

封承德郎戶部主事古庄張翁墓誌銘

贈鴻臚寺署丞黎天監墓誌銘

亡女素室 贈安人墓誌銘

鎮遠侯太夫人墓誌銘

封一品夫人李氏墓誌銘

封太孺人陳氏墓誌銘

封夫人楊氏墓誌銘

英國太夫人曾氏墓誌銘

成國太夫人陳氏墓誌銘

鈴山堂集卷第四十

墓誌銘

封中憲大夫都察院右僉都御史楊翁墓誌銘
楊翁諱臈字用昔刑部左侍郎行之父也世家順
天通州曾祖諱榮甫祖諱秀考諱禮妣唐氏寔生翁
翁少學儒棄去不欲仕然行中舉進士治邑稱最擢
御史翁封御史由御史歷太僕大理少卿僉都御史
翁又封僉都御史通州去都城六十里翁年九袞精
力逾健往來城中率馳輕騎竟日返無倦容或謂有
攝生術叩之則搖首不答予聞而奇之每從行中問

起居曰吾父日再飯脫粟冬一裘夏一葛之外無長物也間又得其懿行數端歲入必先輸公曰畢此可以卒歲無憂里中有不平從翁質一言無不帖服者嘗得遺金求其主還之主分金爲謝弗受攷其處于鄉于家庭者皆君子長者事書所稱攸好德非耶嘉靖辛亥二月九日翁無疾而逝距生天順戊寅享年九十有四訃聞 詔遣官賜祭配陸氏贈恭人子男五長即行中才望著于時次行直行恭行恕行簡女一適薛棟孫七衣立玄亢彥享卞曾孫男二陸恭人先公三十年卒葬州城東祖塋至是啓窆合葬焉葬

以卒之年五月九日行中以狀來謁予銘夫世所希慕而難得者莫若壽壽之所難者莫若健樂無青災安享令終也古稱有道之世民罔扎瘥林藪則多黃髮鮐背之老爲世休應翁生長都邑完厚貞固壽躋期頤豈非聖化涵濡休養所致哉而其遺行可稱者又如此夫禮重高年文闡有德銘何以辭銘曰
閱齡踰九壽以康天篤其祐躬允臧恩封諭祭來宸章潞河之渚崇哉罔玄宅厥儷宜偕歲勒銘紀德垂休光

明故封翰林院編修文林郎李君墓誌銘

君卒之十年其子璣官春坊中允國子司業以省母
得請歸而速予追銘君之墓蓋君初卒京師中允已
屬予銘至是申前請說不得辭焉按狀君諱萬古字
惟一豐城之湖茫里人也湖茫之李自唐及宋又屬
日蕃入國朝以科第起家者二十餘人他仕列中
外亦駢附映發其占籍吾袁州仕爲太平府學訓導
曰萬魁者君之前母兄也君以兄業儒乃獨理家務
素志濶遠不喜逐時利又弗善節縮以故生業日窘
然不卹也即又以遠大屬望璣歲大比璣就省試期
當報至君輒翹企望里門俟之已而璣果舉于鄉入

對大庭制策滾滾千餘言言皆規切時事天子手
批其文曰讜特置高第唱名儲養中秘授翰林編修
於是君來就養京邸遇青宮恩封如璣之官拜命
闕下觀者莫不歎艷以爲榮曰李君果成其志君素
善飲飲則行巨觴酣歌爲樂嘉靖丁酉九月卧中忽
仆地尋感風痺蓋自是多在床褥越二年己亥疾加
劇遂不起閏七月初九日也曾祖諱杲祖諱琢考諱
仁母鄒氏君早失怙而能致其哀塋葬地徒步遠涉
至血趾不顧養嫠母克盡其誠一果蓏微物不先母
食事太平甚恭於財利厚捐而約取一日縣索逋急

兄憂無所出乃盡出私奩以輸他日析產語畧不及
前事於是族人無少長翕然稱君孝友爲難嘗日出
得遺金于道求其人而還之見人窘即分貸之貸而
負輒置不問博通書史考究前聞動稱古人思與之
齊性坦易不設機阱與人交遇事可否盡誠忠告蓋
君之道信于家庭而稱于鄉黨者如此生成化壬辰
八月二十九日壽六十有八癸以 年 月

日墓在 山之原配封孺人朱氏子男一即璣一女
適同里余橋孫男二曰庚曰度夫古誼曠遠俗競利
趨務封殖取盈孰有視豐財而棄高識遠覽如所稱

於李君者哉大江之西世有處士若徐穉蘇雲卿杜
清碧之流皆獨行卓出表冠人群生爲一世之模矻
遺百代之軌若李君者殆聞風而興者耶矧中允君
英特有文蔚著時望所以大君之世當未有涯涘則
較君所得不旣多乎廼爲之銘曰

世競趨而我後人方取而我否嗜義若飴臨利弗苟
棄以取贏其得孰厚吁嗟若人善信孝友其聞孔昭
其行靡疚其澤之延維理可究銘以識其歲期永弗
朽

明故主翰林院檢討徵仕郎前縣令裴君墓誌

銘

君諱爵字仁夫姓裴氏裴自魏晉以來世爲右族唐貞觀志氏族以忠賢貴戚入高等史傳所載公卿臺省勲德聞望後先相屬而皆稱曰河東裴氏宋末有自河東徙澤州者名其地爲河東村後遷下村又自下村遷大陽里者自君之高祖諱榮始也曾祖諱彥祖諱廣三世同居父諱椿由大學生丞清豐性孝居母喪廬墓三年 詔旌其門君十二隨父廬墓讀書輒自喜綴文十五隨入京父往蒞任君獨留京從師取友夙夜勵學不輟學成而歸未冠舉鄉闈然屢試

禮部弗第廼選冷徐之豐邑邑病於水民艱食君緩
征節用除煩振乏爲築堤通道民得利往來無沾沒
之患學宮暨諸司行館皆規措創飭民不知勞有犯
私鑄者餽吏金求脫即縛吏正其法治諸豪民之武
斷者境內肅然旁邑徭賦恒倚君以平 武宗南巡
有司憚供億數道避巡臺以君接備徐洪沽頭夾溝
一路處辦有濟諸惠政在豐人至今稱之值父憂歸
服闋起令臨漳以母憂歸起令吳橋吳橋近畿輔多
侍衛將軍及宦寺前令率爲牽撓不得展君飭已旣
肅又精吏事豪右帖服居二載政平民安常晏坐堂

上若無所事事者歷三任屢受當道獎異屬當上九
載績君顧幡然曰既老何以仕爲上䟽乞休不待報
而行乃首治諸祖塋立祠堂置祭田歲時奉祀一用
朱氏禮出貲修孔聖殿社學鄉賢祠立家範鄉約鄉
人歸其厚君孝友出天性而承於家訓居二親喪寢
處苦塊至終喪未嘗入私室教諸弟以學庠士及門
者甚衆子三人宁府學生宇宋皆中鄉試宇舉進士
入翰林文行著稱以太廟恩君得封翰林檢討如
宇之官先配楊氏繼邵氏贈封皆孺人君自致政歸
不復入公門鄉飲禮請亦不赴惟與里中士夫作者

壽會爲樂素鮮疾疾三日以嘉靖壬亥六月廿又六
日卒距生成化戊戌月日得年七十有四女四
李惟孝龐教王鶴齡李惟岳壻也孫男四本立本固
本正本一孫女四曾孫哲曾孫女三宇寓京聞計將
歸奉柩以明年月日于楊孺人墓合葬而匍匐
造余泣請爲銘余故重其世系君爲賢令宇又在門
甚久不獲辭銘曰

八裴著族三眷分名德顯邇代有聞令君繼蹟揚清
芬惠施三邑政已勤飄然稅駕還榆枌有嗣卓犖才
不群瓊樹挺出干青雲恩馳綸勅迴龍文慶鍾來

禩方阜殷德壽考終無不欣永宅安固斯其墳

封承德郎戶部主事古庄張翁墓誌銘

光祿少卿張君鎬初舉戊戌進士予適視事禮部明年予以扈從聖駕南巡至定興縣有司爲具餐設次於少卿宅其父古庄翁出見言貌淳樸承按甚備時倉猝僅禮之而去比後少卿每見恒得問翁起居狀今年秋少卿憂去則翁以孟秋之十日捐館距成化丙戌享年八十有四少卿卜以是歲九月之吉奉翁與其妣封安人李氏合葬于邑陽村白溝之陽而翁以墓道之文爲請予旣識翁於少卿還往厚誼

不得辭翁姓張氏諱景芳字德馨保定定興人也其
先居陝西涇陽在宋有仕爲評事者三世同居詔旌
爲義門翁考諱材母劉氏以從戎入京卒葬定興翁
僑處筑筑奉其母無有顧之者堅忍含納力勤服儉
刺志經營遂能因旅作家而家日底於裕歲侵出粥
飼饑所全活者甚多會大疫復施之藥死不能具棺
則助之葬又創修板橋拓官路以便行者建義塾教
里中子弟晚年致行益高爲邑人所敬服諸爭訟者
詣翁得一言即解去風義聞於一時咸稱張翁長者
云翁平生訓子極篤少卿奉教自擢第初任戶部郎

督餉雲中習知虜情地形興將材高下遂擢爲職方郎凡所揆擬動中機宜由是蔚有聲稱擢今官定興距都城僅數舍食飲之奉克以時致翁雖老康強無恙其卒也無他疾廼所謂壽考令終者耶配李安人享年七十有一先翁數年卒子男四曰錦蚤世次銓次即鎬次銓縣學生女四俱適農家孫男十二曾孫男十三曾孫女七計翁男女外孫而下凡六十四人昔周人以瓜瓞論民之初生言其初小而末大方翁之生于京師徙于定興纍然孤子門祚僅若綴旒乃今德慶流衍及於其身親見子孫之衆多而又得光

祿君之駿發夫豈偶然之故哉然予聞翁性慈善每戒人毋殺牛曰用其力而食其肉吾不忍也他至鷄豚亦不輕殺里諺有張道人之稱夫固積德行善之有自歟銘曰

其質敦龐天錫之良其行允臧履善執方其後允昌濬發厥祥陽村之原封之若堂銘以載德翁也弗亡
贈鴻臚寺署丞黎天監墓誌銘

黎生天監字保之臨江新喻人父監察御史諱鳳問學優洽居臺中舉職有聲儕輩多推讓之然以讒落其職竟齋志以歿天監以弘治甲子十一月十七日

生于京師邸第予始舉進士與御史君友善予有息女因許大監婚焉天監童時儻不群既長爲邑庠生學稍有成御史君歿予乃携之入京從輸粟例卒業太學連試京闈弗第天監刻意古書法搦管作字清勁有法其作行草逼真羲獻會朝廷異能書者天監試在選中每入直禁內日給大官之饌累荷白金彩幣及衣布之賜蓋將有品秩矣無何遘一疾竟以不起嘉靖壬寅七月十五日卒卒之時年三十有九耳嗚呼可哀也蓋天監以吾女偕處京邸女屢產子不育以憂傷致疾先是戊戌九月二十五日卒

天監喪其配又久無子於是亦以憂致疾嗟乎壽夭
得喪命也而乃以此嬰疾自傷其生惑也予嘗謂御
史君之材賢厥用弗究將貽後人以食其報而復有
此不知天之道何如也天監側室陳氏生一子曰伯
承今甫六歲聘叅政南昌劉起之之女或者曰幸哉
其有此也而天監歿後 朝廷念其勞特贈爲登仕
郎鴻臚寺署丞蓋異恩云嗟乎歿而有知其以此自
慰乎哉抑更以悲耶於是予遣人以天監之喪歸將
以年 月 日同妻葬于 山之原遂執筆誌諸
墓其先代世系載予所誌御史君墓茲不著著其歷

履生卒之槩而系銘焉銘曰

汝父坎懷弗售其志汝復隕年弗待于仕嗚呼奈何
天實爲之兩世我銘此其可悲

亡女袁室 贈安人墓誌銘

安人姓嚴氏諱咸宜吾長女也其母一品夫人歐陽
氏初乳而生嫁于袁今工部員外郎應樞其夫也高
州府推官封南京刑部主事修論舅也弘治己未七
月初二日其生得年四十有三嘉靖辛丑十月二十
三日其卒也卒之五年 廟享覃恩安人其 封號
也始予與刑部居同學友善君之父拙齋翁諱璋者

德長者以應樞長孫介媒求婚先祖少傅公諾之應
樞早失母彭而祖母夏乃保抱鞠之女及門事夏孺
人甚謹疾侍湯藥偕寢處經年不少懈而事庶姑禮
曲盡如姑故素之宗稱焉應樞爲諸生久不第會有
詔令有司歲集試諸生拔其高等者貢之與進士
鄉舉三途並用於是應樞被選入貢卒業太學數年
選爲湖州府推官以女偕行行時女已屬疾至湖之
境疾甚僦菱湖港民舍居而卒遺言曰與夫子茹苦
二十餘年吾止此命也惟吾父母恩不能報舅不得
終事子婦之道未盡請薄棺斂取縗麻束身以示執

服報尊之禮夫子其勿以吾爲念居官平刑惠民積
陰德貽子孫吾目瞑矣口授子鏗書奉京師上父母
幸自愛無悲念我又告父乞言爲我銘誌則死且不
朽應樞於是遣使以遺書來計告吾與妻哭之慟焉
女生而明慧異常好觀書史即能記握管作字如法
女工纂組之事不學而能且其志識尤有足取者初
歸時予仕而貧無以爲奩具僅數常服充簾里俗嗤
之女弗以爲戚比予祿賜豐時有所分遺女安儉如
故弗矜應樞始予立數被窘抑女但勸以力學聽命
食淡攻苦以助之然甫得祿仕而女遽及大故嗚呼

豈不傷哉生一子鏗年十七學已向成以念母致疾
後二年卒一女適左方伯李公澗山長子慶餘旣嫁
亦卒是益可傷焉今一子曰鈇側室王出也應樞在
湖三年能其官爲當道所交薦陞南京刑部主事歲
餘改工部今奉使歸澤 年 月 日啓女之
殯葬于 山之原吾哀女不永年祿食不沾 恩

封莫待蓋人世之極可悲者矣廼從其志爲誌納諸
墓使有知殆亦可以自慰也夫銘曰

清冷兮語言婉婉兮淑資孰來而生兮其去何之貴
也弗偕兮命止于斯其歲永固兮誌以此辭

鎮遠侯太夫人墓誌銘

太夫人姓蔡氏諱叔能尚 淳安大長公主駙馬都尉震之女太傅鎮遠侯謚榮靖顧公士隆之配今管右軍都督府事鎮遠侯震之母也成化甲辰十月

日太夫人生其始生也 憲宗皇帝 孝莊皇太

后遣中使以白金綵幣爲賜旣長明慧端莊選所宜

歸以歸顧氏其歸榮靖也 孝宗皇帝 孝貞皇太

后賜金幣爲奩具太夫人雖處貴盛入門而執婦道

事舅姑盡敬待姻族有禮御下以仁戚里稱焉榮靖

以總工官督漕于淮暨督兵平寇于狼山扈從 武

廟于南巡已而出鎮于湖湘勲績懋著而在淮十年
太夫人皆從教育諸子愛以公禁戢家衆不得妄出
入以嚴公無內顧得以竭力王事皆夫人之助公旣
老召歸京師而薨哀嗣奉勅守備留都繼充總兵官
仍督漕于淮清謹爲時稱重夫人之教然也始以榮
靖貴封爲鎮遠侯夫人繼以哀進封爲太夫人嘗朝
章聖皇太后於宮中班第一進止閒雅章聖問
而嘉之命賜茶及金錢一是歲戊申六月之十九日
太夫人疾卒得年六十有五其卒也賜諭祭三壇命
工曹給開塋夫役褒䟽請給假治喪及奉柩還葬于

揚州詔皆允之子男六長即褒次字密案寵女二錦
衣衛都指揮使王槐都督僉事蔣華其壻也孫男四
承光承業承學承問孫女五長適錦衣衛千戶馬世
胤餘皆幼於是以 年 月 日啓榮靖之墓而合
封焉大理少卿沈君良才曰顧氏父子治淮庶靖不
擾淮人至今思之廼述太夫人事狀褒以請予銘廼
爲銘曰

仁柔明祗淑慎其身也翟弗有華肅雖來嬪也洵美
帝甥爲侯夫人也桓桓榮靖維國虎臣也兩世鎮淮
奉聞以振也崇封榮寵祿備也奚代之遠遠返

其真也廣陵之濱以啓 窆也合璧同藏綏慶無垠
也

封一品夫人李氏墓誌銘

夫人李氏河南洛陽縣人歸于靈寶許氏今少傳兼
太子太傅吏部尚書文淵閣大學士松臯公其夫也
先任吏部尚書今贈如松臯之官謚襄毅公諱進其
舅也初夫人之父諱祥任山東濟南府推官時襄毅
爲山東憲副與濟南雖司屬相臨而昔同試鄉闈各
負文譽以意氣相得聞李有女賢乃爲少傳公請婚
而李許焉及歸事其姑太夫人高以孝敬不見其怠

處妯娌以輯睦下逮其庶以慈不見其戾周親黨以
惠不見其靳少傅公登進士自爲推官徵入臺察改
翰林編修僉事副使叅政布政以至侍郎尚書夫人
皆隨任所至戒内外以嚴節用度以約其貴也歷膺
誥封齊榮極品朝 章聖皇太后於清寧宮從 皇
后於北郊又從内苑採桑侍宴親蠶壇側賜綵段寶
纓福履顯盛而夫人持身以抑不見其有驕盈之色
也夫人始生子曰輔早世次日輿陰授中府都事陞
經歷再陞辰州府知府以夫人病不能赴任奏改禮
部員外郎掌中書事仍給正四品服色女三側室王

氏出夫人撫育不異已出孫男一曰茂楨夫人之卒
也以嘉靖乙巳八月二日距所生成化甲午四月二
十九日享年七十有二少傅公謂嵩曰吾室與吾處
五十五年矣中間予父子兄弟遇遷謫南北奔走艱
辛顛困吾室同之時乏婢僕則身親所事鮮資用則
恬淡自怡未嘗有分毫外慕蓋助於吾者實多予比
蒙朝廷厚恩祿入既豐僕御頗具夫人可以自適而
染患痿痺今又棄予以逝此予之痛而何能已于懷
也於是自述狀授嵩使爲之銘嗚呼觀於公之所稱
述所傷悼則夫人之賢行從可知矣癸以某年 月

日爲之銘曰

偕處其隱約兮弗以隕獲既胎其貴羸兮弗以汰
肆偕老而永好兮安弗祿之康懌胡淑儀之先逝
顧內寢之伶俜 皇特異於卹恩兮救工曹而營榮
事式嚮用於茲福兮曰哀哀之備至嗟夫子之悲傷
兮曷慰厥思惟令德之不忘兮視此銘辭

明故封太孺人陳氏墓誌銘

太孺人姓陳氏蘄州人福建都轉運使諱某之女嫁
於馮爲兗州府推官諱某之家婦贈監察御史諱某
之配 今大理少卿天馭之母也初兗州與運使

公同里閭雅相友善各擇配其子而孺人來歸旣歸
姻親內外莫不贊賀御史公力學自樹流輩咸出其
下乃試有司屢不售憤欲棄業太孺人舉昔賢楊雄
梁鴻坎壈不遇譬解之御史公應貢爲上舍生太孺
人從雖困處無悔尤怨戚之色已而天馭舉于鄉又
舉進士授大理評事改授監察御史督南畿學政遂
擢大理丞以至少卿才望重于時父母之教然也太
孺人以嘉靖庚戌正月四日卒于家生成化壬寅五
月二日壽六十有九子男二長即大理君次太學生
天駿女一嫁爲生員張儒妻明年某月 日癸于郡

之某里某山之原大理以修撰王君所著狀請銘于
予昔大理歸省太孺人予嘗贈之詩知其能孝也銘
曰

漸有馮陳族茂世殷令德是好爰締婚姻夫人寔生
稟德惠純婉婉有儀柔靜以仁夫君業成試屢弗嚮
兩賢之言諷諭攸篤古有樂羊厥配稱淑學績中輟
斷杼爲勗漢世賢母作戒不疑聽讞稱平母聞以怡
茲惟夫人式穀似之相其夫君安義弗墮雖詘于躬
鍾其嗣續執法中臺作士南服晉貳法曹屢緩疑獄
僉曰仁哉壽母是祝相古淑哲今聞孔貽嗟咨夫人

弗愧女師用昭厥懿篆此銘辭

封夫人楊氏墓碑銘

夫人贈禮部尚書忠烈孫公之配也公巡撫江西正
德己卯值逆濠之變死之夫人含茹悲苦撫孤持危
者六十餘年已而見諸子貴顯衣緋垂金曾玄統膝
科為蜀三榮養者二十五年九十二而終然由前
夫人無憾也由後夫人世壽已几其未亡之年一如
夫母之賢之日於乎可謂不同下為忠臣婦者矣嘉
靖癸丑五月五日夫人卒于京以子堪等疏聞上
特賜祭葬給驛歸柩附一官舟以之塋仍賜並祭公

蓋異數也於是堪等以其如大學士李公所為事狀
屬予書諸墓上之石予產江右蓋公所成仁之地悲
昔感今於女其奚可辭按狀夫人姓楊氏其先關西
人八世祖諱益之仕于浙卜居餘姚族姓蕃碩為邑
中稱最祖諱宜振以子貴封工部主事老諱苓配陳
氏生夫人夫人幼即端靜淑慧父母謂此女有貴相
必以偶佳士久之得忠烈公婿焉夫人既歸事舅贈
尚書歸隱翁及姑李夫人恪盡婦道公必是得專志
問學壬子魁鄉舉癸丑進士筮仕刑部易歷藩臬
人皆從而公所至勵清操聲稱藉甚贊助為多正德

乙亥公擢副都御史撫江右舟至錢塘遣夫人歸公
獨往夫人已喻其意歸而隱憂戚戚後果聞變夫人
慟絕復甦曰吾門之江許之別為永訣也即命諸子
水陸分途赴難未幾賊擒克以觀還寧黨議曰凡樞
自外入俗所忌盍止之夫人毅然曰吾夫捐身徇國
而樞不入中堂非禮也即不利吾母子甘之矣竟奉
厝正寢朝夕哭踊盡禮進詩十首之曰吾不難一哭
而死所以然者喘息以爾曹未成立也言已撫棺哭
諸子環跪而哭既喪事畢堪詣闕謝恩受廕為錦衣
千二

擇貢春官。人哭為子。附乙未進士及第授翰林
編修。諸子。迎養夫人京邸。公退必相聚。列侍呼詔孫
前戲。以為娛。夫人顧威愴。猶昔。每遇公忌日。輒悲咽。
廢食。先是。天人居。在七十誕辰。宗戚集而往。賀之。
人。以者。子。郊。對。門。一。切。天。樂。惻。然。而。散。其。八。十。九。十。
也。一。切。天。樂。惻。然。而。散。其。八。十。九。十。
維。多。早。心。明。步。履。康。健。平。生。無。疾。疴。不。近。醫。藥。至。
其。何。意。卒。其。生。天。順。壬。午。月。日。初。以。公。郎。
考。宜。人。後。晉。今。封。生。三。子。堪。累。官。至。署。都。督。
陞。尚。寶。司。卿。陞。由。春。坊。中。允。國。子。祭。酒。

為吏部左侍郎

孫男十人鎮光祿寺署丞

國

子生鉉舉人鉉

襲錦衣千戶整國子生鑄舉

同科鉉進士改

庶吉士鉉順天府學生鑄鑲尚幼女

二曾孫男十有

一人如海如瀛如漢如津如湯如瀚

如游如源如沛

如江女五玄孫男二應桂應松女一

予謂恩錫隆而

未艾 皇上之報公者已為備至嗣

續蕃而多賢天

之所以祐公者又如是其單厚也夫

人皆目睹而躬

承之可以歸報公於九原無憾矣公

墓在慈谿龍山

之陽蓋奉勅遣官營兆時則少師遂

菴楊公銘其墓

少傅木齋謝公表其隧而公之履歷

在國有史在郡邑有志在家有傳子為序忠烈之編已詳茲以夫人附不重及云銘曰

國有純臣兮家則令妻敬順無違兮厥嬖孔宣江許訣別兮義不及私抗逆以殞兮臣節凜而天鑒懿德兮福履綏之既壽且康兮卒履期頤迺篤其慶兮維後之貽軒駟盈里兮莫盛與夷帝念大忠兮祭典並施玄室同歲兮安固于斯

封英國太夫人張母曾氏誥銘

英國太夫人今太子太保嗣英公溶之母也嘉靖甲寅六月二十日卒英公奏狀乞假治喪事上允之

遣禮卿諭祭於其家命有司營葬事合於先公榮和之壙卜期有日矣英公介都督陸公以來請銘曰予先世數傳皆尊官大人銘予獨得後吾母哉意甚懇至不可辭按狀太夫人曾氏世家都城父諱某母某氏生而慧淑異常榮和公元配游無出聞夫人賢遂禮聘焉既歸授以家政閭內外雍肅無間言而潔虔伏臘中饋井井榮和公治戎政服勤在位無內顧憂公疾夫人侍不離側歿則撫幼孤襄事終其身不服純采者二十餘稔英之先始封為河間忠武王諱王繼定興忠烈王諱輔繼宣陽恭靖王諱懋繼榮和公

諱崙溶既襲英爵請母封於是進封太夫人太夫人
被九命珠翟冠服廼嘆曰為婦人者一旦有此敕溶
務敦詩書盡職業報國無忝爾祖以故英公疑疑有
立廼以恭勤祗慎受上知眷允戎祀大典奉命攝
其事克稱上旨恩賚甚渥足以徵太夫人之教矣
太夫人性樂儉素遺言治喪無過侈卒之日距生弘
治庚戌九月十五日享年六十有五子男一即英公
娶夏氏太保慶陽伯諱臣之長女女一適都督同知
袁公長子錦衣鎮撫良樸孫男五長元功次元德元
增元福元祿孫女三塋以是年 月 日塋在京

西鄉連三岡祖塋之次銘曰

英氏啓封自三王勲在 帝室銘旌常代積忠孝祚
允昌珥貂橫玉先朝行夫人慈儉行有常視古賢母
惟敬姜爰以子貴受 封章躬被命服何煒煌性嗜
樸素戒厚藏嗟哉懿德士所臧祖域有兆京西鄉
勅恩賜燕輝山岡嗣公純孝盡以傷乞銘史氏昭遺
芳勒之玄石垂無疆

成國太夫人陳氏墓誌銘

太夫人陳氏贈太傅成國榮康朱公之配今太傅兼
太子太師成國公希忠管錦衣衛事都督同知希孝

之母也太傅以元勲入侍內直有年每趨聆廷陛色和而禮恭天顏為霽今年春太夫人寢疾太傅憂

形於色

上覺其異常問輔臣嵩所以嵩具實對

上廼時諭太傅歸省然竟至凶訃屬時方

大慶百

司止常封不敢以聞

上知之諭輔臣曰希忠之私

令所司如例舉諸卹典而後以聞

上所以加禮勲

賢體其私而念之君臣一體之誼至矣既又特賜祭

七壇齋糧布各五十石疋又給軍夫護送其喪天

寵隆異常代鮮儷焉於是太傅兄弟少以九月廿七

日奉柩合窆于榮康之墓而屬嵩為之銘太夫人先

世邳州睢寧人曾祖諱政以靖難功封睢寧伯歿謚
榮靖賜第家于金陵父諱鉞母伍氏榮康初配白徐
楊俱早世太夫人入繼其室能以順為婦治家以謹
以嚴榮康曰吾不以家為卹得盡力於官者夫人之
有相也榮康薨嗣公兄弟方齒太夫人茹哀襄大事
悉準於禮而勵其子以學親督其課既嗣爵諄諄訓
誡俾竭忠報國尤敦愛親故賑卹孤貧曰兒享厚祿
時時荷上賜予惠隱弗施可乎蓋太夫人之性行
可稱者如此而嗣公兄弟篤孝友內外無間言雖處
貴盛謹默謙抑有漢石氏之風其得於母之教者不

誣也太夫人卒嘉靖甲寅七月十三日距生成化甲寅月日享年六十有一榮康有子三人其季曰希祖側室出太夫人視之如一孫男一日時恭聘太保左都督陸公炳之女孫女一歸予次孫錦衣千戶鵠予與太傅偕內直寅誼為篤姻好有加於太夫人之塋而銘也其何讓銘曰

予惟睢寧伯爵肇封成國世嗣為今上公偉歟夫人貴胄焉出作配君子榮康之室婉婉令德柔色淑聲寵祿光大弗侈弗盈有美嗣公忠也而謹簡在帝心入直禁近以攝祀享以詰兵戎恪勤祇命夙夜在

公亦有難弟宿衛督府聯王朝行無盛與伍帝嘉
汝子錫命之華詰書兩及玉首金葩夫人寢疾命子
歸侍比其終也軫卹彌至禮臣承詔特邁前文渥
典隆頒先事後聞佳城崇崇澤山之北從先榮康永
裕嗣後